

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA**

INICIJATIVA

za uvrštavanje lijeka Anakinra u terapijske protokole Ministarstva zdravstva Kantona Sarajevo

Poštovani gospodine ministre,

Obraćam Vam se po drugi put s inicijativom kojom tražim da Ministarstvo zdravstva Kantona Sarajevo razmotri mogućnost proširenja postojećih terapijskih protokola kroz uvrštavanje lijeka Anakinra u kliničku praksu, u slučajevima kada za to postoje medicinske indikacije.

Nažalost, i dalje troje djece u Kantonu Sarajevo koristi terapiju ovim lijekom, a njihovi roditelji su primorani sami financirati njegovo nabavljanje, što iznosi oko 2.900 KM mjesečno. To je izuzetno veliki izdatak koji većina porodica teško može izdržati. Ipak, ovaj lijek je od presudne važnosti za zdravlje njihove djece — bez njega bi djeca mogla postati trajni invalidi i izgubiti mogućnost za normalan i dostojanstven život.

Anakinra, kao antagonist receptora interleukina-1 (IL-1Ra), pokazala je izuzetnu učinkovitost u liječenju teških upalnih i autoimunih bolesti, uključujući Stillovu bolest i teže oblike reumatoidnog artritisa. Njegova primjena je u mnogim zemljama postala standardna terapijska praksa, upravo zbog dokazano pozitivnih rezultata i sigurnosnog profila lijeka.

Smatram da je krajnje vrijeme da se i u Kantonu Sarajevo omogući pristup ovoj terapiji kroz sistem zdravstvenog osiguranja. Zbog toga molim da Ministarstvo:

- Uputi ovu inicijativu odgovarajućim stručnim komisijama na stručno i etičko razmatranje;
- Razmotri mogućnost uvrštavanja Anakinre na listu lijekova koji se finansiraju iz sredstava Zavoda zdravstvenog osiguranja Kantona Sarajevo;
- Postupi u najboljem interesu pacijenata i njihovih porodica, kako bi se osiguralo pravo na dostupnu i pravovremenu terapiju.

Ova inicijativa proizlazi iz humanih motiva i želje da se spriječi dalja patnja i finansijsko iscrpljivanje porodica koje se već bore s teškim bolestima svoje djece.

Sarajevo, 06.11.2025.godine

 Inicijativu podnosi:

